



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 561 Usque Ad Annum 633

Fleury, Claude

August. Vind. [u.a.], 1759

VD18 90117832

§.32. Martyrium S. Anastasii.

[urn:nbn:de:hbz:466:1-66072](https://nbn-resolving.org/urn:nbn:de:hbz:466:1-66072)

petratum credidere. Anno 627. die Sab-
 bati, duodecimo Dec. Heraclius cum
 Persis conflixit, atque memorabili pu-
 gna per horas undecim continuas edita,
 penitus hostium agmina profligavit. Ro-
 manorum haud plures quam sexaginta de-
 siderati. Tum Imperator fugientium ter-
 gis imminens, captis Cosrois incensis-
 que Palatiis, in Persiæ interiora pene-
 travit.

Sæculum VII
 A. C. 276.

Th. p. 266.

§. XXXII.

Martyrium S. Anastasi.

Illo tempore S. Anastasius, qui ex Per-
 sarum Mago factus fuerat Monachus,
 desiderio Martyrii incensus, relicto suo
 Monasterio, quod prope Jerosolymam
 erat, Cæsaream Palæstinæ venit. Tunc
 illa Civitas Persis parebat, cumque per
 plateas ambulans aliquos Persas Artem
 supersticiosam tractantes conspexisset,
 tanta sermonis gravitate & vehementia
 errorem reprehendit, ut illi rogarent,
 ne rem cuiquam patefaceret. In equi-
 tes deinde incidit, qui exploratorem es-
 se rati, comprehendunt Monachum, &
 ad Ducem, cui nomen Marzabanus, de-
 ducunt. Is interrogatum, cum in Con-
 fessione Jesu Christi constantem videret,
 cum quodam altero captivo catena ea-
 dem vinciri, & utrumque prægrandes
 lapides ad fabricam deportare jussit. Qui-

V. S. Anast.
 c. 2. ap. Boll.
 tom. 2. p. 433.

Zz 5 dam

Sæculum VII A.C. 627. dam Persæ Anastasii populares, vili labori addictum conviciis quoque insectabantur, patriæ suæ probrum appellantes. At Marzabanus ad se adduci iustum, quia a fide dimoveri non poterat, se præsentem fustibus cædi iubet, id unum rogantem, ut exueretur habitu Monastico ne profanaretur. Ter Jesum Christum inter verbera confessus reducit in carcerem, ubi sine intermissione Deum laudabat, & suum officium (*) diu noctuque recitabat, cautissime attendens, ne juvenis, qui eadem catena ligabatur, quietem turbaret. Monasterii ejus Abbas, comperto, quod pro Christo pati cœpisset, toti Congregationi præcepit, ut pro eo oraret, duosque Monachos Cæsaream misit cum epistolis, quibus ad constantiam Christi pugilem exhortabatur. Interim Marzabanus datis ad Regem Cosroem litteris quæsierat, quid Anastasio faciendum, & responsoriis acceptis, misit, qui ei colloquerentur, & hortarentur, ut saltem secreto
coram

(*) Der Protestant gibt diese Worte, nebst unzähligen andern groben Fehlern, welche auf allen Seiten vorkommen: Und das hohe Amt bey Tag und Nacht hielt. Das ist ungeschickt genug. Nach einigen Zeilen zu Ende dieses Abschnitts auf seiner 590. Seite gibt er die Worte: Qui Martyrem confirmabant. Sie ermunterten den Ketzer.

coram se & duobus testibus Jesu Christo renunciat. Ubi cognovit invincibilem, Regis mandata ei indicavit; arctissime vinctum in Persiam esse deducendum. Tum in carcerem publicum detrudi jubet, post dies quinque cum duobus aliis Christianis iter ingressurum. Festo Exaltationis S. Crucis in illos dies incidente, nempe 14. Sept. anno 627. Anastasius cum duobus suis sociis, duobus Monasterii sui Monachis, & quibusdam viris piis illius Civitatis Vigiliam in carcere celebravit, simulque omnem noctem in oratione transegerunt. Imo aliquis tributorum Exactor Christianus a Præfecto obtinuit licentiam Anastasium in ipso Festo vinculis eximendi & ad Ecclesiam perducendi, ingenti omnium Fidelium solatio, qui Martyrem confirmabant, catenas, quibus vinctus fuerat, exosculabantur, &, quocumque poterant, honore prosequerentur.

Præstituta die captivi iter capeffere jubentur, multis Christianis Civitatis Cæsariensis partim Persis, partim alterius Nationis hominibus comitantibus. Unus quoque ex duobus Monachis Monasterii ipsius ex mandato Abbatis proficiscentem secutus est, ut omnia, quæ posset, exhiberet obsequia, &, quæcumque cum ipso acta fuissent, exacte referret. Ubique Martyr magna Christianorum lætitia & venera-

Sæculum VII
A. C. 627.

c. 5.

S. Anastasius
Persa.

Sæculum VII
A. C. 627.

neratione, ut ipse ad Abbatem suum re-
scripsit, excipiebatur. Ubi in Persiam
pervenit, in carcerem mittitur in quo-
dam loco a Regia Cosrois sex milliariis
dissito; qui, ubi nunciatum est, Ana-
stasium advenisse, misit ex Proceribus
unum, ut de eo quæstionem haberet.
Anastasius respondit per interpretem,
nam lingua patria, id est Persica, amplius
loqui nolebat, Jesum Christum confes-
sus est, & oblatam pinguiissimæ fortunæ
spem rejecit. His ad Regem delatis, al-
tera die eundem Ministrum misit, qui
Martyrem in terram prosterni supinum
jussit; tum jacentis cruribus asserem im-
posuerunt, cui utrinque in partibus ex-
tremis viri robusti institerunt. Hunc
cruciatum passus remittitur in carcerem.
At post aliquot dierum spatium adest ite-
rum ille Minister, & eum fustibus cædi
jubet, quod ubi ter diebus diversis Mar-
tyr sustinuit, magno lapide manui uni
& alteri pedi alligato suspensus duabus
horis relinquitur.

c. 6.

Post quinque dierum lapsum misit Rex
eundem virum cum mandato Anastasium
cum aliis captivis Christianis interficien-
di. Ducuntur extra Civitatem, statim-
que omnes alii, numero circiter septua-
ginta, quos inter duo illi Cæsarea cum
S. Anastasio adducti, strangulantur. Tunc
Anastasium interrogant, an cum istis mi-
sere

fere perire mallet, vel Regi obedire, & Sæculum VII
 purpuratis adnumerari. Martyr eleva- A. C. 628.
 tis in Cœlum oculis egit Deo Gratias,
 quod voti damnatus esset, & interro-
 gantibus respondit: sperabam, vos me
 truculentissima nece perempturos, si ve-
 ro non corporis sed animæ mortem in-
 ferre paratis, Gratias ago Deo meo, quod
 me saltem pœna levissima Sanctorum
 Martyrum suorum Gloriæ participem fa-
 cere dignatus sit. Hæc dicentem car-
 nifices sicut ceteros jugulant; sed dein-
 de caput ipsius solius amputatum ad Re-
 gem missum. Passus est vigesimo secun-
 do Januarii Imperatoris Heraclii decimo
 octavo, id est, anno 628. S. Martyris
 corpus postea pecunia redemptum Mo-
 nachus, qui eum secutus fuerat, in Mo-
 nasterio S. Sergii, inde uno tantum mil-
 liario dissipto, deposuit.

Post intervallum decem circiter die-
 rum, illo cum exercitu pervenit Hera-
 clius Imperator, ut S. Anastasius vatici-
 natus fuerat; nam pridie, quam Marty-
 rio afficeretur, dixerat: *Scitote, Fra-
 tres mei! me crastina per Dei Gratiam
 vitam positurum. Ceterum vos intra pau-
 cos dies liberabimini, & Rex iniquus oc-
 cidetur.* Monachus, qui ei comes da-
 tus fuerat, post unius anni spatium ad
 Monasterium reversus, tunicam Marty-
 ris afferens, totam rei gestæ seriem Ab-
 bati

Sæculum VII bati narravit, quæ tunc statim litteris
 A.C. 628. mandata, ad nos usque pervenit. S.
Mirac. S. Anastasii Corpus posteriore tempore ab
Anast. Boll. eodem Monacho Constantinopolim & in-
 p. 436. de in Palæstinam & Monasterium suum
V. Mab. Iter delatum est. Tandem Capitis imago, &
Ital. p. 142. ipsum Caput Romam translata, hodie-
Mart. R. 22. que in Monasterio, dicto ad Aquas Sal-
Jan. vias, quod etiam S. Vincentii & S. Ana-
 stasii nomen gerit, visuntur; nam utrum-
 que Ecclesia Romana 22. Januarii ho-
 norat.

§. XXXIII.

Cosroes necatur.

Th. p. 270. **C**osroes, quem non avaritia modo &
 crudelitas, sed etiam temeritas, qua
 pacem ab Heraclio Imperatore sibi obla-
 tam repulerat, suis omnibus invisum red-
 debant, etiam sub initium hujus anni
 628. licet Imperator totius prope Persiæ
 Dominus esset, pacis condiciones respuit,
 cumque Sabarzaræ, Calcedone cum co-
 piis morantis, Fidem suspectam habere
 coepisset, necari eum jussit; sed ille, ami-
 corum litteris de periculo admonitus, ini-
 to cum Romanis fœdere, a Cosroe aper-
 te defecit. Ceterum Cosroes in fuga alvo
 cita laborans, Mardesanem filium, quem
 ex Sirem uxorum suarum carissima genuer-
 rat, coronari voluit, quam ignominiam
 Siroes seu *Syrouye* major natu filius tam
 atro-